

А Ж Р И М

(Даъво аризани кўрмасдан қолдириш тўғрисида)

Каттақўрғон тумани

2023 йил 12 июль

Каттақўрғон туманлараро иқтисодий суди, судья М.Тоғаевнинг раислигида, судья ёрдамчиси Ж.Сағдуллаевни суд мажлиси котиблигида, Пахтачи туман фермер, деҳқон хўжалиги ва томорқа ер эгалари кенгаши даъвогар “Qurbon Quldash mevasi” фермер хўжалиги манфаатида жавобгар “Paxtachi Cluster” масъулияти чекланган жамиятига нисбатан берган даъво аризаси асосида қўзғатилган иқтисодий ишни ўз биносида, очиқ суд мажлиси муҳокамасида, Кенгаш вакили Ш.Муҳаммадиев (ишончнома асосида) жавобгар вакили С.Эшбоев (ишончнома асосида)лар иштирокида кўриб чиқиб, суд қуйидагиларни

Аниқлади:

Пахтачи туман фермер, деҳқон хўжалиги ва томорқа ер эгалари кенгаши (матнда Кенгаш деб юритилади) даъвогар “Qurbon Quldash mevasi” фермер хўжалиги (матнда даъвогар деб юритилади) Каттақўрғон туманлараро иқтисодий судга даъво ариза билан мурожаат қилиб, “Paxtachi Cluster” масъулияти чекланган жамияти (матнда жавобгар деб юритилади)дан 4 209 703 сўм пеня ундиришни сўраган.

Пахтачи туман фермер, деҳқон хўжалиги ва томорқа ер эгалари кенгаши вакили судга ариза билан мурожаат қилиб, Кенгашнинг даъвогар манфаатида жавобгарга нисбатан киритган даъво аризаси бўйича даъводан тўлиқ воз кечишини маълум қилиб, 4-1402-2302/1068-сонли иш бўйича иш юритишни тугатишни сўраган.

Суд мажлисида иштирок этган Кенгаш ва жавобгар вакили даъвогарнинг даъводан воз кечишини инобатга олиб, қонуний қарор чиқаришни сўрашди.

Ўзбекистон Республикаси Иқтисодий процессуал кодекси (матнда ИПК деб юритилади) 107-моддасининг 8-бандига кўра, даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган даъводан даъвогар воз кечган бўлса суд даъво аризасини кўрмасдан қолдиради.

Кенгашнинг даъвогар манфаатида берган даъвосидан даъвогарнинг даъводан воз кечганлиги сабабли, суд ИПК 107-моддасининг 8-бандига асосан даъво аризасини кўрмасдан қолдиришни лозим топди.

Ўзбекистон Республикасининг “Давлат божи тўғрисида”ги Қонунига кўра Кенгашнинг давлат божи тўловидан озодлигини инобатга олишни ва почта харажатларини зиммасида қолдиришни лозим топди

Юқоридагиларга асосан ва Ўзбекистон Республикаси Иқтисодий процессуал кодексининг 107, 118-моддасига ва 195-моддасига асосан суд

А ж р и м қ и л д и:

Пахтачи туман фермер, деҳқон хўжалиги ва томорқа ер эгалари кенгаши даъвогар “Qurbon Quldash mevasi” фермер хўжалиги манфаатида жавобгар



“Paxtachi Cluster” masъулияти чекланган жамиятига нисбатан берган даъво аризаси кўрмасдан қолдирилсин.

Олдиндан тўлаб чиқилган 33 000 сўм почта харажати Кенгаш зиммасида қолдирилсин.

Ажримдан норози бўлган тарафлар Каттақўрғон туманлараро иқтисодий суди орқали Самарқанд вилоят судига бир ойлик муддат ичида апелляция тартибида шикоят қилиниши (протест келтириш) мумкин.

Судья

М.Тоғаев

Ҳужжат имзоланган: Тоғаев Муродулло Раҳмат ўғли, 12.07.2023

